

21467  
Mag. St. Dr. P  
III

*Bicentenario Manisai Josi Pharus immortalis gloriae*



PANEG. et VITAE  
Palon. Fol.  
N<sup>o</sup> 941.



Biblioteka Jagiellońska



stdr0002803



PHARUS

IMMORTALIS GLORIÆ,

lucido virtutum, & Sapientiæ fulgore

ÆTERNUM CORUSCANS,

SVpra TVMVLVM

Clarissimi olim, & Excellentissimi Dñi

D. M. LUCÆ

PIOTROWSKI,

COLLEGÆ MAIORIS, REGII PROFESSORIS,

Scholarum Nouoduorfcianarū Prouisoris,

Almæ Vniuersitatis Cracouiensis

GENERALIS OECONOMI,

Dum ad Ædes D. ANNÆ, Iusta illi funebria,

PERSOLVERENTVR,

posthumo meritorum tanti Viri præconio,

dolorisq̄ue publici affectu,

A

M. STANISLAO IOSEPHO BIEZANOWSKI LEOPOL.

Philosophiæ Doctore, Collega Minore,

Ordinario Poëseos Professore,

E R E C T A,

L V C I Q; P V B L I C Æ

C O N S E C R A T A.


Anno Salutis 1679. Die 28. Mensis Iunij.

CRACOVIAE, TYPIS VNIVERSITATIS.

21.467 III

442





Ad nubem animorum,  
rursùm erudita pectora cogit; qui necdùm  
ex umbris prioribus emerfit dolor,  
nunc demùm verè Parentalibus suis ingemiscens, dum tolluntur  
magni Academiae Parentes.

Mirum est,  
*quod nunc mortem, angusta non nisi crimina delectent;*  
quæ cum in Rectore nuper,  
Coronam capitis nostri violasset;  
nunc ad Virorum procedit gemmas.  
*Quis exoculatam putet? quæ in LVCA Solstitium, virtutis,*  
lucemq; animi centoculam vidit;  
maturitati nostræ inuida, in senium prona,  
consumatos eripiens, virtutis Senaculum claudit;  
*iamq; in eclipses nostras iurata, magnis luminaribus interponit terram,*  
Philosophica sidera vrgens, post Theologum iubar.

Sed habeat umbrarum mater,  
funestam hanc à calamo plagam;  
*nimirum ut ubi cogitavit tenebras, lucidam inueniat Pharum;*  
quæ non configat oculos eius, sed exurat.

Clarissimus Vir LVCAS PIOTROWSKI

eat in omne æuum, quod Summa Virtute meruit,  
immortalis gloriæ suæ lampadophorus.

Stabit illi supra cineres eruditos,  
aurea hæc lampadum moles;  
in quam non tota Memphis, cum Libycis ignibus laborauit;  
Sed vitæ, & Sapientiæ candor.

Cœptus hic à nobilibus Podlachia ceris,  
claritudinem Sanguinis magno animo vicit.

*Carbasa illa, quæ maiorum titulis, & longa serie, facile tument,*  
placidis ille composuit Etesis;

*tantumq; sumpsit ex auito Sanguine, quantum ad animi purpuram satis.*

Clara nominum incendia Phaetontibus suis relinquens,  
stantesque in curribus Æmilianos, ad aurigas fortunæ mittens,

Solidissimam animi partem,  
quâ Deo, & Sapientiæ viuitur, in titulum gloriæ elegit.

Gemina laurus philosophica nihil illi addidit,  
præter victoriam sui perennem.

*Sub hoc coronamento incessit semper, magnæ constantiæ Scipio;*  
nunquam alijs Cenforinus, quamuis ubiq; sibi Cato;



Supra omnes laureas, modestissimo de se sensu,  
*Et ex domitis affectibus, animi triumpho laureatus.*

Principium illi validæ eruditionis  
ab elementis Grammaticæ,  
mirâ methodo, ordine, & dogmate solido digestis,  
paruis hisce pennis, magnum ad summa Dædalum tulit.

Vt primæ pueritiæ Pater fieret,  
*non erubuit cum Agesilao, in ludum etiam venire;*  
ex oreq; infantium, & lactentium,  
diuinam in sapientia perficere laudem.

Lampas hæc animorum lucidissima  
*ab hac modica scintilla, venit ad vastum illud eruditæ claritudinis,*  
quale decuit LVCAM.

Triumphorum D. VLADISLAI IV. felicitas,  
cum Orbem impleret, excederetq; ,  
solam in LVCA PIOTROWSKI mentem inuenit ;  
quæ Maiestatem eius comprehendit ;  
datis in publicum augustis eius operibus,  
*ea rerum magnificentia, eo dramatum splendore;*  
quo nec ipse VLADISLAVS maiorem optasset ;  
cum ad pedes eius Moschua sub Smolensco procubuit.

Urbis Romæ admiranda,  
domi nostræ Sarmatæ vidimus ;  
*cum ab ingenio LVCE, prisca Latij maiestas,*  
hoc in vno pectore fecisset, quod vix olim fecerat  
Circus Maximus, & theatrum.

*Humaniorum literarum Flamen, Et Phæbus,*  
in Philosophicis Dictator,  
*cum Subtili Scoto, primus in Vladislauiano Cursu,*  
diem Philosophis dixit.

Cos animorum exinde,  
*cum acutissimis certare, aut ipse acuerere ingenia suetus,*  
*ex pulcherrimo consuetu, nunquam abijt pro seipso triumphans ;*  
sed quia veritas vicit.

Hoc illi Ariadnæ filum,  
contra malè prætenso in Schola Subtili labyrinthos.

Viam hanc secutus, vsus est subtilitate ingenij,  
*non ad mobile discurrendi flabellum, sed ad dogmatum robur ;*  
*cum vitâ pariter, Et intelligentiâ Philosophum ageret,*  
non præferret.



Oraculorum animi eius cortina,  
 in silentio, & seculi fuga Delphos habuit;  
 cumq; typum Academiae daret,  
 in Archetypum virtutis ipse euasit.  
 Hæc in eo ab imis radicibus solida,  
 etiam Leoni Suecico non cessit;  
 qui cum sciuisset vincere Poloniam;  
*non potuit supra constantiam LVCÆ, victoriã uti.*  
 Transmarina illa tot discriminum Patriæ triremis,  
*cum præternauigasset omnia, ad hanc rupem disiliit;*  
 in quam coaluerat pectus fidei illibata.  
 Hæc est illa purioris conscientie sedes,  
 magno Opatouio dilecta, probataq;  
*cum probitatis thymiana facile ex eo percepisset,*  
*nouus ille in Adamo, innocentia seculi nostri protoplastes.*  
 Bonorum animi pleno,  
 quidni fortunæ quoq; & bona Vniuersitatis crederentur;  
*in quibus quantum præstitit, reuelabunt Oeconomum quæ succedent.*  
 Supra triginta annos ad hanc crism formatus,  
 non metuit posterorum iudicia;  
 quæ in seipsum rigidius extendit;  
*illâ animi integriate, illo prisca moris, & vitæ tenore constantissimus*  
 quo senium mentis, etiam ante canos retinens,  
 in proposito, & amore honesti, vixit, & obiit quadratus.  
*Ad extrema vitæ non venit ex improviso;*  
 sed per stillicidia mortis;  
 paratus animo, & momenta sua computans;  
*quæ cum Deo semper cum diuideret, cum eodem conclusit;*  
 magnus animæ suæ Oeconomus,  
 cui panem Angelorum in annonam vitæ prouidit;  
 lampades quoq; suas, ad Pharum æternitatis adornans;  
*qui in vitæ, & sapientia, oleum, & operam non perdidit;*  
 Sacro oleo inunctus  
 bonus Academiae Ciuis, bonus Christi Athleta  
**L V C A S**  
 beatam transijt ad LVCEM.





